

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第五冊

國家圖書館出版社

第五冊目錄

四川學報	第二年第三冊	光緒三十一年	……	一
四川學報	第二年第四冊	光緒三十一年	……	一三三
四川學報	第二年第五冊	光緒三十一年	……	二七三
四川學報	第二年第六冊	光緒三十一年	……	四一一

四

川

學

報

第二三冊

聲明代派

創設學報原爲開通民智故第一年第一冊尾頁所載凡代派至二十份者酌提一成五十分以上者酌提二成作爲酬勞係指坊間紳商分售而言俾獲餘潤代爲經理如各府廳州縣札派者專發學堂所有報價應按實數申解不得援以爲例 學務公所廣告

光緒三十二年

第三冊

四川學報

大清郵政局特准掛
號認為新聞紙類

圖書課發行

諭旨

奏議
公牘

總督部堂奏設游學豫備學堂摺

三十一年三月

總督部堂咨覆學部學務處辦事各員文○總督部堂通飭各屬游學生
須赴游學備豫學堂肄業札○專電○查學委員顏紹澤請飭各學堂限
制年齡及傳習師範生務照定章講授稟○三月分批

高等學堂附設體育學堂章程

教科書編纂法

修身教科書（續第二期）

小學校之設備（續第二期）

讀馮觀察請通飭學堂操衣改用土布稟書後

譯編
論說
選報
附編

勸學答問

三月初一日奉

上諭學部奏請將教育宗旨宣示天下一摺自古庠序學校皆以明倫德行道藝無非造士政教之隆未有不原於學術者卽東西各國之教育亦以無人不學爲歸實中外不易之理朝廷銳意興學特設專部以董理之自應明示宗旨俾定趨嚮期於一道同風茲據該部所陳忠君尊孔與尙忠尙武尙實五端尙爲握要總之君民一體愛國卽以保家正學昌明黨教乃以扶世人人有合羣之心力而公德以昭人人有振武之精神而自強可恃務講求農工商各科實業物無棄材地無遺利期有益於國計民生庶幾風俗純厚人才衆多何患不日臻上理著該部卽照所奏各節通飭遵行所有京師及各省學堂師長生徒尤宜正本清源辨明義利不視爲功名祿利之路而以爲修齊治平之規於國家勸學育才之意方爲無負該尙書侍郎等惟當整躬率屬行必踐言切實提倡認真查核慎時局之艱難思全國之關係朕心惓惓實有厚望焉餘著照所議辦理欽此

二十三日奉

上諭嚴修著補授學部右侍郎並兼署學部左侍郎欽此

二十四日奉

上諭嚴修奏懇請收回成命一摺現在舉行新政朝廷破格用人皆當力任艱鉅不得意存退讓徒博虛名該侍郎所請各節應毋庸議並著傳旨申飭嗣後大小臣工共當仰體時艱盡心職任用副朝廷實事求是之至意欽此

總督部堂奏設游學豫備學堂摺

三十三年三月

奏爲創設游學豫備學堂恭摺仰祈

聖鑒事竊奴才於上年九月 奏陳川省學務曾

將應設遊學豫備科大概情形聲敘在案本擬俟修造通省師範學堂上程完畢即行接辦近復先後接准學部電開選派學生出洋以語言通習能直接聽講普通學完備能直入專門爲及格前與南北洋鄂粵各省會議合設游學豫備科因各省情形不同章程未能議定現在出洋學生應請暫緩派送以俟議定辦法又遊學生赴西洋者人較少弊較輕其赴日本者資格宜限定有未合格者應先在本國學堂補習否則概不咨送至豫備遊學之學堂或獨設或合籌應請會商辦理各等因查與奴才原議各節實多吻合川省學子衆多自應獨設一校始堪容納比來科舉既停貢院遂成閒地現經勘得該處四偏外監試外收掌兩公所東西毗連及附近之彌封對讀兩所規模均極寬展足敷改設講堂自習室之用其中間之簾官所及旁列各室以之作爲寢室亦頗相宜其餘需用屋場一併分飭收身工竣即可開堂堂內學生酌以三百人爲額業與學臣鄭沅商定將前學臣吳郁生任內創辦豫備遊學之東文學堂學生移入再爲增設新班並分設英文等科以便願赴歐美各國者亦

得豫爲研究免蹈偏枯之弊除照例各收學費外一切經費概由學務處籌給詳細章程應
俟開堂後分咨外務部學部查核所有創設遊學豫備學堂緣由理合恭摺具陳伏乞

皇太后 皇上聖鑒訓示謹 奏

總督部堂奏設補習學堂片

三

再補習科與豫備科兩端並重業經將應辦情形同時 奏明在案查此項補習辦法係爲
諸生於師範中小各學堂年齡均不合格以及稍知中外各學學未完全者而設此事辦理
較易而條目實繁人數亦必較多非寬籌講習之地推行仍屬不廣現勘得貢院內之清白
堂嚴肅堂衡文堂三處及兩旁屋宇均堪適用擬改爲講堂日習教員準備等室並以東偏
之內提調公所益之惟監臨室則留爲 奴才不時赴各堂察看與職員學生等接見之所堂
內不給膳不寄宿食堂寢室自可無庸兼設學生不定額不限齡不拘卒業之期隨時皆可
入學刻已興工修葺定期開堂需用各款除酌徵學費外不足之數並由學務處貼補詳細
章程統俟開堂後咨送學部查核所有創設補習學堂緣由理合附片具陳伏乞 聖鑒

謹 奏

總督部堂咨覆學部學務處辦事各員文

三月

爲咨覆事學務處案呈光緒三十二年二月三十日准貴部電開各省辦理學務員紳職名本部應備案以便稽考貴省學務處總辦會辦及參議學務事正紳現今有幾人統希將職名年籍及到差年月先行電示其餘辦理學務人員仍飭所司造冊報部是禱等由准此查川省學務處由 前任總督部堂岑 奏明開辦設立督辦提調各一員及委員數人並無會辦參議等名目嗣由本督部堂奉到 新章載有各省省城學務處由督撫選派通曉教育之員總理全省學務並派講求教育之正紳參議等因遵卽改督辦爲總理札委升任馮樂司煦充當斯任業經 奏明在案該司交卸之後續派方道旭爲總理景守方和爲提調並經先後選用紳士胡編修峻等定期於各學堂休息之日由學務處會集該紳士等於學務應興應革諸端妥議辦法遇有特別事件隨時會商本督部堂覆加考核總期推行無弊其餘各項職員均係慎擇委用茲准前因擬合開單備文咨覆備案爲此咨請 貴部希煩察核施行須至咨者

總督部堂通飭各屬游學生須赴游學豫備學堂肄業札

三

爲通飭事學務處案呈光緒三十二年正月二十三日准 京師學部電開選派學生出洋

以語言通習能直接聽講普通學完備能直入專門者爲及格近時論者多主此說前與南北洋鄂粵各省會議合力設游學預備科因各省情形不一

在一時未能議定現本部接

到台端咨送學生公文仍前絡繹不絕誠恐學力未足人格不齊非但虛耗時光抑且易滋流弊應請轉飭學務處暫緩派送俟商定辦法再爲奉達尊處如有擬定妥善章程亦祈賜示以資取則惟游歷官紳又當別論是否有當統希卓籌見復又於二月初十日復准 學

部電開游學生詳細章程本部現正酌議茲先將選送時大略辦法電達冰案赴西洋者人較少弊較輕容再另達其赴日本者一資格宜限定學長期者除習淺近工藝須預備語言於學科無庸求備外凡欲入高等以上學校及各專門學校者必有中學堂以上畢業之程度且通習彼國語文方爲及格有一不足應先在本國補習短期者除游歷官紳可少寬限制其習速成科者或法政或師範必須中學與中文俱優年在二十五歲以上於學界政界實有經驗者方爲及格否則不送無論官費私費長期短期游歷游學必品行端謹無劣跡

身體强健無宿疾否則不送非由寄送公使槩不送學非經考驗本省概不咨送一期限宜
 盡一日本各學校以西歷四九兩月爲學期之始各省選送學生除需材太急不能久待且
 核計人數能自成班者可以不拘此限外其餘無論長期短期官費私費宜按道里遠近預
 計程期使到東之日恰在開學之前平日概不零星派送各省風氣之開通遲早不一其游
 學人數已多者續派與否應請自酌若風氣甫開之處未便停派私費者尤未便沮抑但務
 當核實考驗按期彙送流弊似可漸少至預備遊學之學堂改獨設或合辦應請察酌會商
 辦理其細目容俟擬定奏准再行達知等因准此除分咨外合行通飭爲此札仰該 即便
 遵照嗣後出洋遊學諸生應令先就本省遊學預備學堂肄業如有及格可派之學生及遊
 歷官紳並應照章辦理以歸畫一毋違特札

學部電 二月三十日

各省辦理學務員紳職名本部應備案以便稽考貴省學務處總辦會辦及參議學務事正紳現今有幾人統希將職名年籍及到差年月先行電示其餘辦理學務人員仍飭所司造冊報部是禱

上海道瑞觀察電 三月十八日

學務處公鑒各省官費自費出洋學生假道於滬人地生疏購船票請護照往往受騙耗費查東西各國於學生所游之國停車泊船處所咸設招待所照料一切餐宿悉備我國闕如學生足未出境已歎行路之難一經行抵他國人則入境如歸已則諸多窒礙相形之下必增無限感情似未便漠然置之擬在洋務局設一照料所款絀不備餐宿選派能通西文語兼熟悉情形員司各一人專代各省學生購票請照官費生由護送委員或經理學費人員持文到所按給照則由照料員代請票則來員與照料員會辦自費生驗有咨文及官紳士商保結一律照辦其船票願自辦者聽回國時如之惟請照者須將姓名年籍并曾在何省何堂已否畢業緣由開單註明其回國請照單內註明在何國學校習何科學以便登記而